



Magnum Bullarium Romanum, Seu Ejusdem Continuatio

Quæ Supplementi loco sit, tum huicce, tum aliis quæ præcesserunt
Editionibus, Romanæ, & Lugdunensi ...

Constitutiones Variorum Pontificum in præcedentibus Editionibus
desideratas, summoque studio hinc inde conquisitas complectens

Luxemburgi, 1741

5. Tanto nos &c. Irritas dexernit quascunque Censura inflictas occasione schismatis: anno 1449.
-

[urn:nbn:de:hbz:466:1-74452](https://nbn-resolving.de/urn:nbn:de:hbz:466:1-74452)

A N N O
1448.
I V.
Ex Spicil.
Dacheri
Tom. 3. pag.
774.

Quæ Schismatis tempore sunt acta nulla vult,
ac decernit: anno 1448.
NICOLAUS EPISCOPUS.
ad futuram rei memoriam.

Tanto nos pacem & tranquilitatem cunctorum Fidelium procurare & amplecti convenit, quanto desideramus fructus uberrimos inde sequi. In eo quippe con nostrum suauissime delectatur, quod diebus nostris sanctam Dei Ecclesiam in pacis & unionis pulchritudine, ac debitâ integritate florentem videre valeamus. Cum itaque superioribus temporibus propter divisiones subortas inter felicis recordationis Eugenii Papam IV. prædecessorem nostrum, & tunc Basiliense Concilium, plurimam turbaram, ac variis modis afflita fuerit Ecclesia Dei, jam autem divinâ favente ac dirigente clementia, tractatu Oratorum carissimiorum in Christo filiorum Francorum, Angliae, & Renati Sicilia Regum; nec non Delphini Viennensis primogeniti Francorum Regis Illustris, integra pacis & unionis consequenda dispositio optima videatur, Amedeo in sua obedientia Felice V. nominato, iuri quo in Papatu se habere afferit cedere volente, eis qui olim Basilea, nunc autem Laufenz, sub nomine generalis Concilii permanerunt & permanent concurrentibus in id ipsum, aliasque ad pacem Ecclesiæ laborantibus. Cupientes igitur, quoniam omnipotens donaverit, id agere, quo universi Christi Fideles ipsius pacis jucunditate fruentes, animorum coniunctione sibi invicem coharent, & rejectis que ex discordia extorta fuerint, statim uniuscujusque, honor, fama, & reputatio illæ, & integri remaneant, literas, processus, mandata, & decreta quæcunque; necnon excommunicationis, suspensionis, & interdicti anathematizationis; etiam privationum beneficiorum, officiorum, ac dignitatum quorūcumque, five Patriarchalium, Archiepiscopalium, Episcopalium, Abbatialium, aut aliarum quarūcumque Ecclesiasticarum, vel mundanarum, inhabilitationum quoque, necnon declarationum, innovationum, damnationum, reprobationum, expositionum perforatum, ac bonorum mobilium ac immobilium, juriumque & jurisdictionum publicationum & confiscationum, privationum feudorum, ac etiam quorūcumque iurium spiritualium, vel temporalium, & inhabilitationum ad illa: necnon absolutionum à fidelitatibus, & alias in eisdem literis processibus, mandatis & decretis, quomodolibet contentas sententias, centuras & penas quascumque & qualitercumque statutas, inflatas, & promulgatas, etiam si exprefse, par, vel maiores, aut alterius cuiuscumque naturæ forent, per præsum Eugenium prædecessorem nostrum, & quibuscumque suis literis quorūcumque tenorum & sub quacunque data existant, etiam cum expressione, approbatione Ferrariensis, seu Florentini, aut alterius Concilii generalis, five per nos, aut per alium, seu alios, ipsius, aut nostre seu quavis alia autoritate contrâ dictum Basiliense Concilium, & eos qui sub nomine generalis Concilii tam in Basiliensi quam Laufenensi. Civitatibus memoratis fuerunt, & perseverarunt, ut præfertur, ac in presentiarum perseverant: necnon contrâ præsum Amedeum, Felicem V. in sua obedientia nuncupatum, ac qualsivis personas Ecclesiasticas, seculares, vel regulares, ac etiam laicales eisdem conjunctim vel divisiim adhaerentes, assistentes, obedientes, obsequentes, credentes, recipientes, ac quovis modo faventes, eosque sequentes, qui sunt & fuerunt, cuiuscumque dignitatis, præminentiae, statutis, gradus seu conditionis existant, etiam Pontificali, Cardinalatibus,

Regali, aut Ducali dignitate præfulgeant. Contra dominia quoque, necnon communitates, universitates, etiam generalium studiorum, civitates etiam, præsertim Basiliensem, ac oppida, & alia loca quæcumque præmissorum occasione emanata, facta, concessa, decreta, & promulgata. Simili quoque modo declarationes, & confirmationes, super præmissis, & eorum singulis, nostra, seu dicti prædecessoris auctoritate, quomodolibet factas: necnon processus habitos per eadem, ac quæcumque inde sequuta, etiamli ad sententiarum, centurarum, atque ponarum declarationem, seu illarum, aut aliquis earum publicationem, vel plenaria exequitione contrâ personas, dominia, communitates, universitates, civitates, oppida, & loca supra dicta, communites, vel divisiim quomodolibet sit processum: quorum omnium & singulorum tenores etiam si de illis plena & expressa, ac de verbo ad verbum præsentibus mentio habenda foret, hic pro sufficienter expressis haberi volumus. Motu proprio, & ex certa nostra scientia, ac de Sedis Apostolica potestatis plenitudine, necnon de Venerabilium Fratrum nostrorum sancta Romana Ecclesiæ Cardinalium consilio & assensu, decernimus, & declaramus nullum effectum penitus fortiri, sed perinde haberi debere, ac si nullatenus emanasset; eaque omnia & singula, cum inde sequitur, in Regestis ipsius Eugenii prædecessoris, & nostris, & locis aliis quibuscumque, aboleri & deleri mandantes, omnino tollimus, cassamus, irritamus, & annullamus, ac pro infectis habeti volumus. Et nihilominus si, & in quantum opus esse, ad abundantem cautelam singulas ex personis, dominia, communates, universitates, civitates, oppida, atque loca supra dictas & supra dicta, ad famam, dignitates honores, status, & privilegia, quatenus illis eadem occasione privatæ & private prætendi possent, in statum pristinum & debitum restituimus, reponimus, & redintegrans plenariè per præsentes, motu, scientiâ & plenitudine potestatis, ac consilio & assensu antedictis.

Et quoniam difficile foret præsentes literas ad singula, in quibus eis fides forsitan facienda fuerit, loca deferre, dicta auctoritate decernimus, quod ipsarum transumpto manu publicâ & sigillo alicuius Episcopalis, vel Superioris Ecclesiastice Curia munito, tanquam prefatis si originales exhiberentur literis plena fides exhibetur, & stetur perinde ac si dictæ originales literæ forent exhibita vel ostensæ: iuribus, constitutionibus, & ordinationibus Apostolicis, ceterisque contrariis non obstantibus quibuscumque. Nulli ergo omnino hominum licet hanc paginam nostræ constitutionis, declarationis, mandati, cassationis, irritationis, annulationis, voluntatis, restitutionis, repositionis, & redintegrationis infringere, vel ei auctu temerario contraire. Si quis autem hoc attentare præsumserit, indignationem omnipotentis Dei & Beatorum Petri & Pauli Apostolorum ejus noverit incuturum.

Datum Romæ apud sanctum Petrum, anno Incarnationis Domini millesimo quadringentesimo quadragesimo octavo, quinto decimo Kalendas Februario, Pontificatus nostri anno secundo.

V.
Ex Spicil.
Dacheri
Tom. 3. pag.
784.

NICOLAUS EPISCOPUS,

Servus Servorum Dei, ad perpetuam rei memoriam.

Tanto

ANNO
1449.

Tanto nos pacem & tranquillitatem cunctorum Fidelium procurare & amplecti convenit, quanto desideramus fructus uberrimos inde sequi. In eo quippe cor nostrum suavissime delectatur, quod diebus nostris sanctam Dei Ecclesiam in pacis & unionis pulchritudine, ac debi à integritate florentem videre valeamus. Cum itaque superioribus temporibus propter divisiones subortas inter felicis recordationis Eugenii Papam IV. praedecessorem nostrum, & tunc Basiliense Concilium, plurimum turbata, ac variis modis afflita fuerit Ecclesia Dei: jam autem divinâ favente ac diligente clementia, tractatu Oratorum Carissimorum in Christo Filiorum, Francorum, Angliae, & Renati Sicilia Regum, necnon Delphini Viennensis primogeniti Francorum Regis Illustris, pacem Ecclesiae redditan agnoscimus, dum percipimus venerabilem & Carissimum Fratrem nostrum Amedeum, primum Cardinalem Episcopum Sabinensem, in nonnullis Provinciis Apostolicae Sedis Legatum, Vicariumque perpetuum, Felicem Papam V. tunc in suâ obedientia nominatum, juri, quod in Papatu afferbar se habere, ad hujusmodi pacem Ecclesia obtinendam cessisse. Eos vero qui Basilea, postmodum Laufanae, sub nomine generali Concilii haec tenus permanerunt, ordinante ac publicasse nobis tamquam unico & indubitate Summo Pontifici obediendum esse à cunctis Fidelibus; & præfatam Laufensem disolvisse Congregationem.

Cupientes igitur quantum Omnipotens donaverit id agere, que universi Christi Fideles ipsius pacis iucunditatem fruentes, animorum conjunctione sibi invicem coharent, & rejectis qua ex discordia orta fuerant, status uniuscunque, honor, fama & reputatio illæ & integræ remaneant: Literas, processus, mandata, & decreta quæcumque; necnon excommunicationum, suspensionum & interdicti, anathematizationisque, etiam privationis Beneficiorum, Officiorum, ac Dignitatum quorūcumque, sive Patriarchalium, Archiepiscopalium, Episcopalium, Abbatialium, aut aliarum quarūcumque Dignitatum Ecclesiasticarum vel mundanarum: inhabitationum quoque, necnon declarationum, innovationum; damnationum, reprobationum, expositionum personarum, ac bonorum mobilium & immobilium, iurium ac jurisdictionum, publicationum & confiscaionum, privationum feudorum, ac etiam quorūcumque jurium spiritualium vel temporalium, & inhabitationum ad illa: necnon absolutionum à fidelitatibus, & alias in eisdem literis, processibus, mandatis, & decretis quomodolibet contentas sententias, censuras, & poenas quæcumque & qualitercumque statutas, inflatas, & promulgatas, etiam si expressa, majora vel pares, aut alterius cuiuscumque naturæ forent, per præfatum Eugenium Prædecessorem nostrum in quibuscumque literis suis quorūcumque tenorum, & sub quæcumque datâ existant, etiam si cum expressione, approbatione Ferrariensis seu Florentini aut alterius Concilii generalis; sive per nos, aut per alium, seu alios: ipsius, aut nostrâ, seu quâvis a iis auctoritate contrâ dictum Basiliense Concilium, & eos qui sub nomine generali Concilii tam in Basiliensi quam in Laufensi civitatibus memoriae fuerunt, ut præfetur: Necnon contra præfatum venerabilem ac Carissimum Fratrem nostrum Amedeum primum Cardinalem Episcopum Legatum, & Vicarium supra dictum, Felicem V. in suâ obedientia nuncupatum: ac quasvis personas Ecclesiasticas, sacerdotes, vel regulares, ac etiam Laicale, quæ eisdem conjunctim vel diuīsim adhærentes, assistentes, obedientes, credentes, recipientes, ac quovis modo faventes, eosque sequentes fuerunt, cuiuscumque dignita-

ANNO
1449.

tis, præminentie, status, gradus, seu conditionis existant, etiam si Pontificali, Cardinali, Regali, aut Ducali dignitate præfulgent: Contra dominia quoque, necnon communitates, universitates etiam generalium studiorum, civitates etiam, præfectum Basiliensem, ac oppida, & alia loca quæcumque, præmiiorum occasione emanata, facta, concilia, decreta, & promulgata. Simili quoque modo declaraciones & confirmationes super premissis, & eorum singulis nostrâ, sicut dicti prædecessoris auctoritate, quomodolibet factas: necnon processus habitos per easdem, ac quæcumque inde sequuta, etiam si ad sententiarum, censurarum, atque pœnarum declarationem, seu iliarum aut aliquis earum publicationem, seu plenariam exequitionem, contra personas, dominia, communates, universitates, civitates, oppida & loca supra dicta communiter vel divisi, quomodolibet fit processum; quorum omnium & singulorum tenores, etiam si de illis plena & expressa, ac de verbo ad verbum præsentibus mentio habenda forer, hic pro sufficienter expressis haberi volumus; motu proprio & ex certâ nostrâ scientiâ, ac de Sedis Apostolicae potestatis plenitude, necnon de venerabilium Etatrum nostrorum sancta Romana Ecclesia Cardinalium conilio & assensu decernimus, & declaramus nullum effectum penitus fortiri, sed perinde haberi debere, ac si nullatenus emanasset; eaque omnia & singula, cum inde sequutis, de Regis ipsius Eugenii Prædecessoris & nostris, & locis alias quibuscumque aboleri & deleti mandantes, omnino tollimus, cassamus, irritamus, & annullamus, & pro infectis haberi volumus. Et nihilominus si, & in quantum opus esset ad abundantem cautelam, singulas ex personis, dominia, communates, universitates, civitates, oppida ac loca supra dictas & supra dicta, ad famam, dignitates, honores, status, & privilegia, quatenus illis eadem occasione privata & privata prætendi possent, in statum primitum & debitum restituimus, reponimus, & reintegramus, plenarie per præfentes, motu scientiâ & plenitudine potestatis, ac consilio & assensu ante dictis. Et quoniam difficile foret præsentes literas ad singula, in quibus eis fides forsan facienda fuerit, loca deferre: dictâ auctoritate decernimus, quod ipsarum transumpto manu publicâ, & sigillo alicuius Episcopalis, vel Superioris Ecclesiastice Curiae munito, tamquam præfatis, si originales exhibeantur, literis plena fides asperbeatur, & perinde stetur, ac si dictæ originales literæ forent exhibitæ vel ostensa; iuribus, constitutionibus, & ordinacionibus Apostoliciis, ceterisque non obstantibus quibuscumque. Nulli ergo omnino hominum licet hanc paginam nostrorum voluntatis, constitutionis, declarationis, mandati, cassationis, irrationis, annulationis, restitutionis, reposicionis, & reintegrationis infringere, vel ei ausi temerario contraire. Si quis autem hoc attentare præsumferit, indignationem omnipotentis Dei, & Beatorum Petri & Pauli Apostolorum ejus se noverit incursum.

Datum Spoleti, Anno Incarnationis Domini millesimo quadragesimo quadragesimo nono, quarto-decimo Kalendas Julii, Pontificatus nostri anno tertio.